

Mae gennych hawl dan y ddeddfwriaeth diogelu data'r DU i gael mynediad at, neu weld y wybodaeth sydd gan y feddygfa amdanoch. I wneud cais, cysylltwch â'ch meddygfa.

Fel arall, mae gwasanaeth Fy Iechyd Ar-lein yn cynnig ffordd arall i chi weld eich cofnodion iechyd.

Am ragor o fanylion, ewch i'n gwefan:

igdc.gig.cymru/fyiechydarlein
dhcw.nhs.wales/myhealthonline



Oeddech chi'n gwybod y gallwch ddefnyddio ffôn symudol, llechen neu gyfrifiadur i drefnu neu ganslo apwyntiad gyda'ch meddyg teulu, neu wneud cais am bresgripsiwn amlroddadwy?

Y cyfan sydd angen i chi ei wneud yw cofrestru i ddefnyddio gwasanaethau **Fy Iechyd Ar-lein**.

Hefyd, gallwch ddefnyddio Fy Iechyd Ar-lein i weld eich meddyginiaethau a'ch alergeddau. Gall cleifion mewn rhai meddygfeydd weld eu cofnod meddyg teulu, a allai gynnwys imiwneiddiadau'r claf.

Yn debyg i fancio ar-lein, gallwch gofrestru ar gyfer amrywiaeth o wasanaethau ar-lein gan eich meddyg teulu, er y bydd y rhain yn amrywio o un feddygfa i'r llall, a bydd yn dibynnu ar beth mae eich meddygfa'n ei gynnig.

Mae Fy Iechyd Ar-lein yn ffordd arall o gysylltu â'ch meddygfa. Bydd modd i chi ei ffonio neu fynd i'r feddygfa o hyd.

Dechrau arni

Os hoffech gofrestru ar gyfer gwasanaethau Fy Iechyd Ar-lein, siaradwch â'ch meddygfa neu ewch i'r wefan gggc.gig.cymru/fyiechydarlein

Bydd angen i'ch meddygfa wirio pwy ydych chi er mwyn sicrhau mai chi yn unig all weld eich cyfrif Fy Iechyd Ar-lein. Bydd angen i chi lenwi a llofnodi ffurflen fer a dangos dull adnabod â ffotograff, fel pasbort neu drwydded yrru.

Er mwyn ei gwneud hi'n haws dechrau arni, gallwch drefnu eich apwyntiad cyntaf ar-lein heb gyfrif Fy Iechyd Ar-lein. Pan fyddwch yn mynd i'r feddygfa ar gyfer eich apwyntiad, bydd angen i'r feddygfa wirio manylion eich dull adnabod er mwyn cwblhau'r broses gofrestru.

Pam defnyddio Fy Iechyd Ar-lein?

Mae gwasanaethau ar-lein yn ffordd arall o gysylltu â'ch meddygfa:

- Gallwch eu defnyddio i [drefnu a chanslo apwyntiadau](#) ar adeg ac mewn lleoliad sy'n gyfleus i chi.

- Nid oes angen i chi deithio'n arbennig i'ch meddygfa i ofyn am [bresgripsiwn amlroddadwy](#).
- Gallwch edrych ar eich cofnod meddyg teulu i'ch helpu i [baratoi ar gyfer eich apwyntiad nesaf](#) gyda'ch meddyg teulu neu arbenigwr, ac amlygu a oes rhywbeth y mae angen i chi ei drafod.
- Gall [gweld eich cofnod meddyg teulu](#) eich helpu i gofio a deall trafodaethau â'ch meddyg teulu, efallai y byddech yn eu hanghofio fel arall.
- Efallai y bydd pobl sydd â chyflyrau iechyd tymor hir yn gweld bod edrych ar [ganfyddiadau archwiliadau](#), gan gynnwys pwysedd gwaed, yn eu helpu i reoli eu gofal eu hunain, a gallant weld a yw eu cyflwr yn gwella neu'n gwaethgu.
- Efallai bydd modd i chi [ddod o hyd i'r atebion](#) i gwestiynau am eich iechyd heb orfod siarad â meddyg. Er enghraifft, os hoffech wirio pryd oedd y tro diwethaf i chi gael brechiad.
- Gallwch sicrhau bod [eich gwybodaeth feddygol](#) yn gywir ac wedi'i diweddaru. Gallwch ddweud wrth eich meddyg os oes gennych alergedd ac nid yw wedi'i gofnodi.

Deall eich cofnod

Cyn i chi gofrestru i weld eich cofnod meddyg teulu yn fwy manwl, mae rhai pethau i'w hystyried. [Caiff cofnodion meddygol eu hysgrifennu:](#)

- [gan ddefnyddio codau penodol](#) er mwyn sicrhau bod gofal yn cael ei gofnodi'n gyson ac yn gywirand accurately.
- [i helpu gweithwyr gofal proffesiynol](#) i ofalu amdanoch.
- [yn Saesneg](#), sef yr iaith a ddefnyddir i gofnodi gofal clinigol yn y Deyrnas Unedig.

Yn y dyfodol, efallai y byddwch yn gallu gweld canlyniadau profion a gohebiaeth o'r ysbyty yn Fy Iechyd Ar-lein, ond nid yw hyn ar gael ar hyn o bryd.

